

ԲԱՑՑՈՒ ԿՈՆՑԵՊՑԻԱՆ ՀԱՍԱՐԱԿՈՒԹՅԱՆ ՍՈՑԻԱԼԿԱՆ
ԲԱՐԵՆՈՐՈԳՄԱՆ ՄԱՍԻՆ

ԳՈՒՐԳԵՆ ՎԱՐԴԱՆՅԱՆ

Րաֆֆին հայ գրականության այն երախտավորն է, որը գրական ասպարեզ մտավ իբրև միանգամայն ինքնատիպ արվեստագետ՝ սկզբից ևեթ հստակորեն գիտակցված ակտիվ կենսագիրքորոշմամբ, ստույգ ու որոշակի գաղափարներով, գեղարվեստական համակարգված ըմբռնումներով, լուսավոր ապագայի անկրկն հավատով։ Մշտապես հարազատ մնալով գաղափարական ու գեղարվեստական իր հիմնական սկզբունքներին, նա գրական-հրապարակախոսական իր գործունեությունը նպատակամղել է պատմական տվյալ ժամանակահատվածի առավել հրատապ խնդիրների իրականացմանը, հանդես եկել որպես առաջավոր գաղափարների սերմնացան, դրանց կենսագործման անձնվեր ջատագով։ Հասարակական կյանքի սոցիալական բարեկարգման մասին Րաֆֆու կոնցեպցիան, որն արտահայտում է ժամանակի ազգային առաջադիմության տիրապետող միտումները, ոչ միայն համընթաց քայլել է հասարակության զարգացման կոնկրետ պահանջմունքների հետ և ընդունել համապատասխան բովանդակություն, այլև հավակնել է լինել գործողության ուղեցույց և ծրագիր։

Արժանին մատուցելով և՛ Արժանին, որի «Վերք Հայաստանի» վեպի հայրենասիրական, ժողովրդասիրական ոգին և լուսավորական դեմոկրատիզմը նոր դարագլուխ էին բացում հայ գրականության պատմության մեջ, Րաֆֆին գրում է. «Այդ գիրքը թորում է ամեն մի հայի աչքերից արտասուք, երբեմն շարժում նոցա ծիծաղը, իսկ շատ անգամ ուռեցնում է նոցա կուրծքերը մի վսեմ ազգասիրական ոգևորությամբ»¹։ Այդ նույն տարիներին հայ ժողովրդի լուսավորության և կրթության խնդիրներ էր արժարժում ժամանակի ամենտառաջդեմ հայ պարբերականը՝ Մոսկվայում հրատարակվող «Հյուսիսայիլ»² ամսագիրը։ Պատահական չէ, որ լուսավորական շարժման համընդհանուր մթնոլորտում, իսկ որոշ ժամանակ անց նաև Մ. Նալբանդյանի անձի ու գործի ազդեցությամբ Րաֆֆին պետք է հանգեր լուսավորության գաղափարին և ազգային առաջընթացի ռոմանտիկ ծրագրի «գործնականությունը» կառուցել լուսավորության հիմքի վրա։ «Մեզ թվում է, — մտորում է նա, — թե մոտ է այն բարեբախտ ժամանակը, երբ ազգայնության խնդիրը կընդունե յուր վճռական լուծումը, և ազատությունը, արդար օրենքն ու իրավունքը, որ կրոնքները չկարողացան աշխարհ բերել, պիտի ներս մտնեն մարդկային կյանքի մեջ քաղաքակրթության ու լուսավորության ձեռքով։ Ահա այդ է մարդկության բարեկամների ցանկացած ռեկեդե զարք, երբ բռնաբարությունը կվերջանա, գերի եղած ազգերը ազատություն կգտնեն, ու նոցա կորուսած ժառանգությունը յուրյանց կդառնան, և այնուհետև ոչ մի ազգ չի համարձակվի ավերելու մյուսի հողի սահմանները»³։ Լուսավորությունը, Րաֆֆու համոզմամբ, «ուսուցանելով մարդու զանազան արհեստներ, կրթում է նրա միտքը, բացում է ճանապարհը դեպի զանազան գյուտեր և հասուցանում է նորան հնարներ, որովք նա հեշտությամբ կարող է հարստանալ ինքը և հարստացնել չոր հասարակությունը»⁴։

¹ Րաֆֆի, Երկերի ժողովածու (այսուհետև՝ ԵԺ), հ. 2, Երևան, 1983, էջ 18։

² Նույն տեղում, էջ 20։

³ Րաֆֆի, ԵԺ, հ. 8, Երևան, 1963, էջ 283։

Լուսավորության և քաղաքակրթության վրա հիմնված հասարակական համակեցության երազանքը հատուկ է Րաֆֆու ստեղծագործության առաջին շրջանին, երբ մտավոր շարժման ակտիվացումը հայ իրականության մեջ կապվում էր լուսավորության հետ, նրանից էլ ստանում նոր վերելքի մղումներ ու լիցքեր: «Քաղաքակրթությունն ու լուսավորությունը,— նկատում է Ս. Սարինյանը,— մի փրկարար հրաշք էին թվում, որ պիտի գար ցրելու խավարը, բանականության վրա կառուցելու հասարակական կազմակերպությունը և ընդհանուր հաշտարարությամբ ձուլելու հավասարությունը, ազատությունն ու երջանկությունը»⁴: Իսկ ո՞րն էր ազգը լուսավորելու ամենագործուն և արդյունավետ միջոցը: Ազգային լուսավորության և կրթության կարևոր լծակը, Րաֆֆու կարծիքով, պետք է լինի գրականությունը, եթե, իհարկե, այն մոտ է կանգնած կյանքին, արձագանքում է հասարակության իրական հոգսերին և հասու է հուշելու, թե որոնք են զարգացման ճշմարիտ ուղիները: Միաժամանակ վիպասանը մեծ նշանակություն է տալիս ինքնաքննությանը՝ գիտակցության այն աստիճանին, երբ հասարակությունը սեփական կենսափորձով հասնում է ինքնաճանաչման: «Բայց, — պարզաբանում է նա, — դժվար կարելի է գտնել ամբողջ մարդկության մեջ մի ժողովուրդ, որ ինքն իրան ճանաչեր. նրան ճանաչում և քննում են նույն ժողովուրդի առաջավոր մարդիկը, զարգացած մասը, որպես բժիշկը հիվանդներին: Եվ այս վերջինները հաղորդում են ժողովրդին նրա թերությունները, նրա պետքերը և միևնույն ժամանակ հնարները նույն պետքերին բավականություն տալու: Դրանք կոչվում են զանազան անուններով ժողովրդական գործիչներ, առաջնորդող մարդիկ,— գրավոր և բանավոր խոսքը նրանց գլխավոր դերն է,— նրանք ներկայացնում են ժողովուրդի մտավոր զորությունը՝ նրա ինտելիգենցիան»⁵: Ահա այս «ժողովրդական գործիչներն» ու «առաջնորդող մարդիկ» են այն ուժերը, որոնք, ըստ Րաֆֆու, ընդունակ են կազմակերպելու լուսավորության և կրթության գործը:

Եթե «Սալրի» վեպի ռոմանտիկ հերոսների լուսավորական գործունեությունը նպատակ է հետապնդում նահապետական-ավատական մռայլ բարքերի կրքոտ քննադատությամբ և խավարի ու բռնության օրենքներով «սրբագործված» իրականությանը հակադրվելու փորձառությամբ ստուգել իրենց գավանած նոր գաղափարների կենսունակությունը, ապա «Զահրումարում» այդ հակադրությունն արդեն ներառում է լուսավորության և կրթության ավելի հեռահար նպատակներ, որոնք, ի վերջո, պետք է հանգեն ամբողջ ազգը լուսավորելու գաղափարին: Վահե Արամյանը և Սմբատ Քաջբերունին իբրև վեպի իդեալական հերոսներ պետք է իրականացնեն հասարակության բարենորոգման լուսավորական ռոմանտիկ ծրագիրը: Նրանք, ի տարբերություն Թիֆլիսի «տարապալաման» միջավայրում դաստիարակված բուրժուական որդիների, ժամանակի առաջատար ուսումնական կենտրոններում ստացել են հիմնավոր կրթություն, ապա դինվել ազգին նվիրվելու, նրա սոցիալ-քաղաքական առաջադիմության գործում իրենց ավանդը ներդնելու ազնիվ գաղափարներով: Արամյանը՝ Պետերբուրգի համալսարանի արևելյան լեզվագիտության բաժնին ավարտած «հայկաբանը», ձեռնարկում է աշխարհաբարի քերականություն կազմելու գործը, պատրաստում է մի համառոտ բառարան եվրոպական ուսումնական և արվեստական բառերի, որպեսզի մեր գրողներն ստիպված չլինեն հունական, լատինական կամ մի այլ ազգի բառեր մուրալ, մտադիր է նաև «արվեստականապես բացատրել հայոց լեզվի ծագումը և նրա պատմական և գործնական ձևակերպությունը»⁶: Քաջբերունին, որ ուսանել է Պետերբուրգի, ապա Գերմանիայի համալսարաններում և ստացել փիլիսոփայության ու իրավաբանության դոկտորի աստիճան, հեղինակել է «Հայկական կյանք» խորագրով մի աշխատություն, որը, ամենայն հավանականությամբ, լուսավորության գաղափար-

⁴ Ս. Սարինյան, Հայկական ռոմանտիզմ, Երևան, 1966, էջ 449:

⁵ Րաֆֆի, ԵԺ, հ. 9, Երևան, 1964, էջ 473:

⁶ Րաֆֆի, ԵԺ, հ. 3, Երևան, 1984, էջ 144:

ներով համակված փիլիսոփայական ուսումնասիրություն է՝ Այս հերոսը նախ-
ընտրում է ազգային լուսավորության գործին ծառայելու ավելի գործնական
ուղի՝ շուտով մեկնելու է Հայաստան, որպեսզի բուն հայկական միջավայրում
կյանքի կոչի իր հայրենանորոգ մտահղացումները: Դժվար է ստույգ ասել, թե
մոտ ապագայում իրականացնելու համար ուրիշ ինչ ծրագրեր են մշակել գա-
ղափարակից երկու ընկերները. դա դուրս է մնում վիզական պատումի շրջա-
նակից: Ինչ վերաբերում է նրանց ձեռնարկած լուսավորական-կրթական գոր-
ծունեությանը, ապա այն գլխավորապես հանգում է Թիֆլիսի բուրժուական
միջավայրում անբարոյականության ճահիճը գլորվող Սոֆիին դարձի բերելու
և առաքինության ուղու վրա դնելու փորձերին: Րաֆֆին, աչպիսով, ազգային
լուսավորության և կրթության պահանջների լույսի տակ գեղարվեստորեն
բնութային է առնում կնոջ ազատության, անկախության և իրավունքների խն-
դիրը, որին նա հետագայում անդրադառնում է «Հայ կինը» ծավալուն հոդվա-
ծում:

Օրիորդ Սոֆին՝ առևտրական և վաշխառու ծանձուր Իվանիչի դուստրը,
մեծացել է այնպիսի ընտանիքում, որտեղ արգելված է հայերեն խոսքը: «Բարձր
դասի» միջավայրում տիրապետող օտարամոլությունը, հայերենի և հայ ազգի
նկատմամբ ցուցաբերվող արհամարհանքը իրենց դրոշմն են դրել բուրժուա-
ղիայի երիտասարդ սերնդի հոգևոր աշխարհի և բարոյական ըմբռնումների
վրա: Տանը խոսելով վրացերեն, իսկ օրիորդաց ուսումնարանում սովորելով
ռուսաց լեզվով, Սոֆին, բնականաբար, անհաղորդ է մնացել իր ոչ հեռու նախ-
նիկների մայրենի լեզվին, հայոց պատմությանը, ազգային հոգևոր և մշակու-
թային արժեքներին, սակայն նա լիովին բավարարում է «բարձր հասարակու-
թյան» քաղցրենիական պահանջները՝ «օխտը տարի կինք է մաշի, ուսում է սոր-
վի, փրանցուղնակ կուզիս բլբուլի պես խոսում է. փորտոպիանը, քանի հավնիս,
ածում է, երգ ասելիս հրեշտակի ձեն է հանում, տանցեվատը խոմ աղունիկի
պես խաղում է...»: Թվում է, թե Սոֆին, այնուամենայնիվ, պատրաստ է շատ
թե քիչ արժանավոր տեղ դրավելու կյանքում: Րաֆֆին բացառում է այդ հնա-
րավորությունը, քանի որ Սոֆի-անհատի մեջ իսպառ բացակայում է ազգային
տարրը, բացի այդ նրա ստացած գիտելիքները աղքատիկ են, կրթությունը՝ մա-
կերեսային ու «տարապայման», բարոյական ըմբռնումները՝ անկայուն ու հեղ-
հեղուկ: Ընտանեկան դաստիարակության ազգայնաց ոգին և օտարամոլու-
թյունը, միահյուսվելով բուրժուական աղճատված բարքերի հետ, ըստ Րաֆֆու,
ոչ միայն ի վիճակի չեն բարձրացնելու կնոջը, այլև նպաստավոր պայմաններ
են ստեղծում նրան դեպի բարոյալքում կողմնորոշելու համար: «Քաղաքակիրթ»
բրիտոզը լի է գործելու բնական եռանդով, սակայն բուրժուական քաղցրենի ու
ճղճիմ միջավայրը նրան չի կարող ընձեռել օգտակար զբաղմունքի որևիցե
ասպարեզ: Անգործությունից և տաղտկալի միապաղաղությունից չի փրկում
անգամ Սանդի, Տուրգենևի, Պիսեմսկու, Միլի վեպերի ընթերցանությունը: Սո-
ֆին հրապուրում է պատանի Մայիլովը, բայց շուտով տղան արժեզրկվում է.
երբ օրիորդը հանդիպում է Վահե Արամյանին: Այնուհետև աղջկա սիրտ «հո-
րիզոնում» կարճ ժամանակով հայտնվում է կարիերիստ ու շառվատան Դիաշ-
կովը, որին փոխարինում է ռուս ինժեներ Պանտալոնովսկին: Բարոյականու-
թյան բոլոր սահմանները ոտնահարած աղջիկը, այսպիսով, վերջնականապես
անձնատուր է լինում իր ախտաբորբոք կրքերին:

Նախապես գծելով այն ուղին, որով պետք է ընթանա Սոֆիի կերպարի
զարգացումը և նրան հասցնի բարոյական անկման, վիպաուսանը ակնհայտորեն
միտումնավոր շանքեր է գործադրում՝ հերոսուհու վարքագծի բացասական
հակումը գեղարվեստորեն հիմնավորելու համար: Արամյանի սերը մի փր-
կարա՞ն օղակ է, որի օգնությամբ Սոֆին կարող էր մեկընդմիջտ ձերբազատ-
վել իր բարոյական արատներից ու դառնալ առաքինության իսկական օրինակ,
սակայն հեղինակային սուբյեկտիվ գաղափարադրույթի պարտադրմամբ կրքի

գայթակղությանը սեփական կամքի ուժը հակադրելու անզորությունը նրան դարձյալ մղում է դեպի նույն ճահիճը:

«Հայ կինը» հողավածի բնաբան ընտրելով այն միտքը, թե կինն է քաղաքակրթության առանցքը, Բաֆֆին գտնում է, որ տնային բանտարկությունը «բթամտացնում է» կնոջը, «խլում նրանից ամեն հոգեկան զորություն», իսկ «դրսի աշխարհը» անբարոյական է դարձնում: Ուրեմն, չի կարելի կնոջը մեկուսացնել հասարակական կյանքից, բայց և հավասարապես մերժել է «բարքերի համարձակությունը»: Բաֆֆին առաջարկում է խնդրի լուծման, իր կարծիքով, միակ ճիշտ ու արդյունավետ եղանակը. «Պետք է նախքան կնոջն աշխարհ դուրս հանելը նրան նախապատրաստել աշխարհի համար, և դրա մեջ պետք է լինի կնոջ կրթության բուն խորհուրդը»⁸:

Թերևս, այդ խորհուրդը կենսագործելու «հանձնարարականով» է պայմանավորված «Մինը ալսպես, մյուսը այնպես» վեպի գաղափարական հերոս Ռուբեն Արուսյանի «բարոյականացնող» գործունեությունը, որը հարստանում է աղելով ու վսեմ սիրտ զգացմունքային հագեցվածությամբ: Աղա-Պարոնովի դուստրը՝ Անիլկան, Սոֆիին բնող սոցիալական նույն միջավայրի ծնունդն է, բայց զգայական-բարոյական իր որակներով նկատելիորեն տարբերվում է նրանից: Այստեղ էլ աղջկան շրջապատում են «բարձր հասարակության» նույն մակերեսային հետաքրքրությունները, կեղծավոր բարյացակամությունը, շահախնդիր հաճոյամոլությունը, թեթևաբարո հաճույքներն ու վայելքները, որոնց նկատմամբ Անիլկայի ցուցաբերած արհամարհական անտարբերությունը կարող է վերածվել ձանձրույթի ու հուսահատության: Ահա հոգեկան կացության այն պահը, կենսագործունեության այն ճամփաբաժանը, որտեղից կինը կարող է կամ շարունակել իր տարերային ընթացքը դեպի բարոյական անկում, կամ նախապատրաստվել՝ «քաղաքակրթության առանցք» լինելու իր ոգեշունչ դերով հասարակական ասպարեզ մտնելու համար: Երկրորդ ուղին, Բաֆֆու համոզմամբ, պարտադրում է կնոջը գործնական կյանքին նախապատրաստող բանիմաց ուսուցչի ու դաստիարակի անհրաժեշտությունը, և այդ պարտականությունը ստանձնում է Ռուբեն Արուսյանը: Վեպն անավարտ է, ուստի մնում է ենթադրել, որ Անիլկայի կերպարը հետագայում պետք է զարգանար, ճշմարիտ կրթության և ազգային դաստիարակության շնորհիվ վերաճեր հեղինակի իդեալը մարմնավորող հայ կնոջ լիարժեք, ավարտուն տիպարի:

Ո՞րն է, այնուամենայնիվ, լուսավորված ու քաղաքակրթված հայ կնոջ իդեալը: «Զահրումարում» կերտելով մի այլ հերոսուհու՝ օրիորդ Աննայի կերպարը, Բաֆֆին նրան ներկայացնում է «որպես մարմնացած առաքինություն՝ յուր պարզ ու հրեշտակային սրբությամբ»: Քաջերունուն առանձնապես ոգևորում է այն հանգամանքը, որ Աննան, ոչ մի վարժարանում սովորած չլինելով, բավական մաքուր խոսում է հայերեն, ծանոթ է գրաբարին և, որ պակաս կարևոր չէ, աղատ է ժամանակի քաղքենիական նորաձևությունների ազդեցությունից, տիրապետում է կանացի վիշաք արհեստների՝ նա անհագորեն հետաքրքրվում է իր ազգի պատմությամբ ու մշակութային կյանքով, ունի համեստ գրադարան, որի զարդն են խորենացու, Ագաթանգեղոսի, Ծղիշեի, Նարեկացու գրքերն ու «Վերք Հայաստանին», եղել է «Հյուսիսափայլի» մշտական ընթերցողը, ստանում է մի քանի պարբերականներ: «Այո, աշխատելու է Աննայի նման օրիորդներ պատրաստել,— հեղինակի գաղափարը հաստատում է Արամյանը,— դրանք և միայն դրանք կարող են ծնել ազգի համար պիտանի որդիք և ոչ թե նիհիլիստական ուղղությամբ տոգորված ու փչացած ազգկերբեր»⁹: Այսպիսով, Բաֆֆու լուսավորական ռոմանտիզմի համակարգում ազգի բարենորոգման կարևոր բաղադրիչ է դառնում կնոջ հարցի լուծումը: «Տվեցե՛ք նրան աշխատություն, և նա չի ընկնի բարոյական փտության մեջ: Աշխատության

⁸ Բաֆֆի, ԵԺ, հ. 9, էջ 378:

⁹ Բաֆֆի, ԵԺ, հ. 3, էջ 194:

մեջ միշտ թարմ ու զվարթ կպահվի նրա սիրտը»¹⁰։ Հասարակական կյանքին ակտիվորեն մասնակցելու պայմանով միայն կինը կարող է լինել հասարակության լիարժեք, իրավահավասար անդամ և գործի դնել այն զգորտությունը, որ մեծ դեր պիտի խաղա ժողովուրդների քաղաքակրթության մեջ»¹¹։

Հասարակության սոցիալական բարեփոխումների ռաֆֆիական կոնցեպցիայում 70-ական թվականների սկզբին նկատվում է որոշակի էվոլյուցիա՝ կապված ժամանակի հասարակական միտքն առաջ մղող միտումների փոփոխության հետ։ Քաղաքակրթ Նվրոպայի մտավորական մթնոլորտը հագեցած էր «տնտեսական դեմոկրատիզմի» և պոզիտիվ սոցիոլոգիայի գաղափարներով, որոնց մեջ տիրապետում էր անգլիացի սոցիոլոգ-պատմաբան Հ. Բոքլի անտեսական դեմոկրատիզմը։ Նրա «Անգլիայի քաղաքակրթության պատմություն» սոցիալատիվությունը մեծ հետաքրքրություն էր առաջացրել նաև Ռուսաստանում։ Րաֆֆին, որ բավականաչափ տեղյակ էր այդ գաղափարներին, դրանց ազդեցությամբ լուսավորական ուսմանտիզմից անցում է կատարում դեպի անտեսական ուսմանտիզմ, փորձելով գտնել իրեն հուզող այն հարցերի պատասխանը, թե հասարակական ինչ ուժեր են կոչված նոր պայմաններում կրելու աղբյուրի առաջադիմության ծանր բեռը և որոնք են հասարակության առաջընթացն ապահովող ճշմարիտ ուղիներն ու միջոցները։

Նախ և առաջ, Րաֆֆին ոչ մի հույս չի կապում կապիտալի իր ձեռքում կուտակած «մռայլ դասակարգի»՝ առևտրավաճառական բուրժուազիայի ավադ սևորդի հետ, ավելին, նրա խարդախ գործելակերպի, «ասիական» հետամնացության և հոռի, այլանդակ բարքերի սուր քննադատությամբ վիպասանը գեղարվեստորեն նախապատրաստում և հիմնավորում է այդ խավի կործանման անհրաժեշտությունն ու անխուսափելիությունը։ Այդ դժվարին առաքելությանն անընդունակ են նաև արհեստավոր դասը և մշակները, քանի որ, ինչպես նշում է Րաֆֆին, «մենք գիտենք, թե մինչև որ աստիճան խավար, ագետ, ողորմելի դրություն մեջ են գտնվում այդ երկու դասակարգերը ևս»¹²։ Հետևաբար, մնում է ապավինել վաճառական դասի այն կրթված ներկայացուցիչներին, որոնք յուրացրել են առևտրի եվրոպական առաջավոր, «գիտնական» մեթոդներն ու ձևերը։ Արժարժեղ խնդիրները տեղափոխելով գեղարվեստական միջավայր, Րաֆֆին կերտում է իր գաղափարական նպատակադրությունները կենսագործող համապատասխան ուսմանտիկ կերպարներ, որոնք հակադրվում են, մի կողմից, առևտրական բուրժուազիայի «նահապետներին», մյուս կողմից, այդ դասակարգի ոչ պակաս շահամոլ, ցոփ ու աննպատակ կյանք վարող երիտասարդ սերնդին։ Վաճառականությունը ինքնըստինքյան մի արհեստ է, — գրում է Րաֆֆին։ — Նորան պետք է գիտնական կերպով ուսումնասիրել և փորձով իրագործել։ Մի այդպիսի վաճառականությունը սովորելու համար ճանճուր իվանիչի խանութը չի կարող վարժարան լինել։ Նորան պետք է ուսանել Անգլիայի, Գաղղիայի կամ Գերմանիայի վաճառականական ուսումնարաններում»¹³։ Առաջադրված այս պահանջները լիովին բավարարում են այնպիսի գաղափարատիպեր, ինչպիսիք են Ռուբեն Արուսյանը, Միքայել Բաքոսյանը, հատկապես «Ոսկի աքաղաղի» Միքայելը, որը վիպասանի անտեսական ուսմանտիկ կատարելատիպն է և ջահակիրը։

Րաֆֆու սոցիալական ուսմանտիզմի մեջ գործում է մի կայուն օրինաչափություն, որը, ինչպես նկատում է Ս. Սարինյանը, հաշվի չի նստում նախնական շրջանում կուտակած հարստությունը տնօրինելու ժառանգորդական սկզբունքի հետ։ Պատմական օբյեկտիվությամբ այդ հարստությունը վերապահվում է բուրժուազիայի նոր սերնդին։ Սմբատն ու Միքայելը Շիրվանզադեի «Քաոս» վեպում իրենց հոր ստեղծած հարստության անմիջական, արյունա-

10 Րաֆֆի, Եժ, հ. 9, էջ 352։

11 Նույն տեղում, էջ 425։

12 Նույն տեղում, էջ 216։

13 Նույն տեղում, էջ 37։

կից ժառանգորդներն են, մինչդեռ «Մինչ աշպես, մյուսը այնպես» վեպի Արուսյանը և «Ոսկի աքաղաղի» Միքայելը ամեն ինչ սկսում են սկզբից։ Սակայն եթե Արուսյանը առևտուր է անում Աղա-Պարոնովի հետ կողք-կողքի, կիրառելով «արդար շահասիրության» եվրոպական մեթոդը և ի ցույց դնելով դրա առավելությունները, ապա Միքայելը, հասունանալով Մասիսյանի կաղապարած սոցիալ-բարոյական և կենցաղային միջավայրում ու միանգամայն զերծ մնալով այդ միջավայրի բացասական ազդեցությունից, ամեն ինչ գրույից սկսելու իր պարտականություններն ստանձնում է նրա մահից հետո, երբ իսպառ ոչնչանում է նաև Մասիսյանի ողջ հարստությունը։ Երկու դեպքում էլ գործում է ռոմանտիզմի գեղարվեստական մեթոդի հիմնական սկզբունքը՝ իդեալի և իրականության բարդագեղագիտական հակադրությունը։ Առևտրի եվրոպական առաջավոր փորձի յուրացումը այն նախադրյալն է, որը, Բաֆֆու կարծիքով, Միքայելին ընձևում է հասարակության բարենորոգման տեսական նախապատրաստությունից հետո գործնական քայլերի դիմելու նպաստավոր և բավարար պայմաններ, անբարոյական միջոցներով կուտակված հարստությունից անջրպետվելու և սեփական ուժերին ապավինելու պահանջ պարտադրելով վաճառականության նոր սերնդին։

Կանաչ ճանապարհ բացելով Միքայելի առևտրական գործունեության համար, Բաֆֆին նրան հակադրում է նաև Ռուսաստանի հայ վաճառականների «վայրախոս ու դատարկապորտ» հասարակությանը, որն «աչքի է ընկնում» հետաքրքրությունների սահմանափակությամբ, նիստուկացի հետամնացությանմբ, բռի ու գոհիկ վարքագծով։ Ազգի «նյութական զորությունը» ներկայացնող այս դրամատուրգը, որոնց առևտրական գործարքների շարժափոկները դարձյալ մնում են խաբեությունն ու կեղծիքը, ազգային ճակատագրի նկատմամբ ցուցաբերում են կատարյալ անտարբերություն և ծաղրում են տեղի հայ ուսանողներին, զարմանալով, որ այդ «մուրացկանները իրանք քաղցից մեռնում են, բայց տաճկաստանցիների դարդն են քաշում»։ Միքայելին, ընդհակառակը, բնորոշ են հետաքրքրությունների լայն ընդգրկումներ, որոնք հասարակության սոցիալական բարենորոգման առաջնային դրույթի հետ միասին ներառում են ժամանակի տնտեսական կյանքի քաջատեղյակություն, ազգային լուսավորության և քաղաքակրթության խնդիրների հստակ իմացություն, հայ ժողովրդի ազգային-ազատագրական պայքարի, նրա ազատության և միասնության գաղափարների խոր ըմբռնում։

Տնտեսական ռոմանտիզմի ուտոպիական ծրագրերն իրականացնող գաղափարական հերոսի՝ Միքայելի գործունեությունը, որը կապիտալի կուտակման նախորդ փուլի հետ առնչվում է սոսկ ժամանակային հաջորդայնությամբ և ոչ թե հարստության ժառանգական իրավունքով, սոցիալական կյանքի րաֆֆիական պատրանքներում կատարյալ ներդաշնակություն է ապահովում և՛ հասարակության սոցիալ-տնտեսական համակարգում, և՛ անհատի բարոյահոգեբանական նկարագրի մեջ, և՛ ազատ սիրո վրա հիմնված ընտանիքում, երաշխավորելով ազգի բարենորոգման ու առաջընթացի հնարավորության հավաստիությունը։ Հասարակության բարգավաճումը Բաֆֆին կապում է հասարակ ծագում ունեցող մտավորականների հետ, որոնք բուրժուական հասարակարգի իրենց սերնդակիցներին ու նրանց վարքագծին «հակադրում են բարձր իդեալներ, մտորում դպրոցի ու կրթության, ընտանիքի ու կնոջ իրավունքի, ազգային ոգու և հայրենասիրության, մտավոր և բարոյական անհրաժեշտությունների մասին, իրենց գաղափարները սրբագործելով անբիծ առաքինությամբ»¹⁴։ Նրազելով հասարակական լավագույն կառուցվածքի մասին և իր իդեալական հերոսներին վստահելով հասարակությունը բարեփոխելու հայրենասիրական-մարդասիրական առաքելությունը, վիպասանը, ինչպես նշում է էդ. Ջրբաշյանը, «ի վերջո, դուրս չի գալիս առկա հասարակարգի շրջանակներից, նա իր իդեալները փնտրում է նույն բուրժուական պրակտիկայի ուրիշ, իր կարծիքով

ակտարյալ և գեղեցիկ ձևերի մեջ»¹⁵։ Այդուամենայնիվ, ոչ թե առևտրավաշխա-
տական բուրժուազիայի թեթևաբարո որդիները, որոնք ընդունակ եղան միայն
վատնելու հայրերից ստացած ժառանգությունը, այլ գիտական ու գործնական
հմտություններով զինված և բարոյապես անաղարտ միջայններն են կոչված
մտահոգվելու հայ ժողովրդի սոցիալական ու քաղաքական ազատության խըն-
դիրներով, անձնվիրաբար ծառայելու ազգի ընդհանուր բարօրության և հա-
մակողմանի առաջադիմության վեհ գաղափարին։

КОНЦЕПЦИЯ РАФФИ О СОЦИАЛЬНОМ ПРЕОБРАЗОВАНИИ ОБЩЕСТВА

ГУРГЕН ВАРДАНЯН

Резюме

Раффи считал одной из главных задач национального просвещения и цивилизации, на которые опиралась его романтическая концепция социального обновления общества, повышение роли женщины в общественной жизни. Поэтому и деятельность идеальных героев социальных произведений Раффи по началу сводилась, в основном, к их размышлениям о проблемах воспитания и образования женщин, их свободы, независимости, прав.

Наметившаяся эволюция в социальной утопии Раффи в 70-х годах была вызвана изменениями тенденций развития армянской общественной жизни. Перейдя от просветительского романтизма к экономическому, писатель полагал, что национальный прогресс и социальное благоустройство общества возможны лишь усилиями образованных представителей купечества, усвоивших европейские «научные» формы и методы торговли.

¹⁵ Է. Դ. Ջրբաշյան, Աշխուհայացք և վարպետություն, Երևան, 1967, էջ 97։